



L'Testamint du Vî Mounonk

El vî mounonk est moûrt. Comme i d'avou dsus cresse, Enn nuwée dé parint, comme si ç'arou sté n'fiesse, S'abbattont dsus l'maiso du cien qui n'astou pu, Et c'minchont à djumi, à braire comme des pierdu. Tout l'parinté bréyou, télmint qu'i stin binaîch' On s'moquou bi du vî qui dourmou pu à s'n-aîch'. Nèveu, cousin, cousine, n'avinn' qu'in seûl tourmint, Ç'astou dé vir drouvi, dessous l'coup, l'testamint. I stinn dlez li à gnou, enn diâle dé ribambelle, In tout s'rasténant d'rire, qu'i plantinn des tchandelle. On arou dit des sângn', in l'zé viant prii; El moûrt, dsous l'ieau bénite, astou quasi noyi. "Qué damadge, dsou-t-i iun, dé pierde in si brave homme! "A l'vir dainsi tranquie, v' diriz qu'i pett in somme.

"Pouqué faut-i qu'la mort no l'euche véni quéri ?
"A vo place pouv' mouponk di'arou volu mori !

"A vo place, pouv' mounonk, dj'arou volu mori!

"Vo stî l'âme du bon Dieu, l'pèle dé touté l'terre, "L'cien qui vo counichou, n'arou seu v'd'in voulwère,

"Arvwère, Mounonk, arvwère, saint Pierre au paradis,

"Gârde pour vous l'pu belle place, c'est vo n'veu qui vo l'dit. "

L'complumint fini, djè vû dire el moqu'rie, In aute, avè l'même air, rattaqua l'comédie :

"C'est seûr, disti sans rire, no l'polons bi rgretter,

"Pace qué c'est l'méieu cœur qué l'cien qu' nos a quitté.

"El pouvr' homme, avant tout, aimou tant d'iess' tranquie,

"Qui n'a maïe volu prinde l'imbarras d'enn' famie.

"Les feumes, qu'i s'avou dit, ça fait n'mass' d'imbarras,

"Elle mé vérinn' raumi, djé m'passrai foûrt bi d'ça.

"I n'avou ni s'pareie, ç'astou in vrai modèle,

"A s'mémwère brûlons co, enn' gross' brassée d'tchandelle.

"S'on a fait à Seutin, l'honneur d'in monumint,

"Il ara l'cien étou dé d'ci dévant pau d'timps.

"Allez, Mounonk, allez mindgi du suke à l'lousse,

"Pou vo gârder vo pârt, les anges mindgeont des crousses. "

In twézième sé rléva, in mouchwé d'poche à s'main, Sé dmandant à li-même : Sûdge-ju dsus l'testamint ?

"Brave Moumonk, disou-t-i, Dieu me lume si djé blaque,

"Mais djé frai mette vo no din tous les armonaque.

"I d'a n'pequée qui sont qué c'est tout mau rlétchi,

"In homme pu djusse qué vous, on pourrou co l'cachi.

"Vos arez in service in musique à onze heure,

"Mais iun comme on n'in vwé bi raremint, d'vo l'asseure.

"Après no vos irons mainer délez Tanté,

"Din l'corbiard Fiasse ié cint vwéturr' avè.

"No frons mette enn belle pierre, toute crouvierte dé couronne,

"Des potée d'bellé fleur, comme on n'met pou personne.

"Tous les mourt dé dl'auvau d'in saront seur djaloux.

"Din vo tombe, vo sarez in ptit rwé inte tertou.

"Allez, Mounonk, allez au djârdin d'à l'coupette,

"lusqu'on coud in tout temps, des rouse, des violette.,

Des orémus pareie ont duré des longues heures, lusqué l'bouche desmintou les sintimint du cœnr! Persoune qui n'arou dné s'qu'à s'dérnière goutte dé sang. Pou wéti d'racheter l'vie à leu mounonk Tantan. On d'allou même si long qu'on volou l'imbaumer, I n'avou maïe in homme qu'avou sté pu aimé. Mais, t'à nin coup, din l'tchambe, arrife comm' enn éclair, In néveu, qu'accourou tout dwé, dé chez l'notaire.

"C'est l'mesquine, criou-t-i, hour d'haleine, comme in sot, "C'est l'mesquine dé m'mounonk qui ramasse tout l'fafiot. "El vî gueux qu'est crèvé, fait bastard tout s'famie, "No polons fai n'cwê, no n'arons ni enn' mie.,

El mesquine !... Ni possibe ?... I tchéont stoumaki. I stinne bi long d's'attinte à iesse si ahieuri. In coup d'tounwère din l'place n'arou ni fait si pire. I sé rwétinn tertou, l'bouche au lârdge, sans ri dire. Hours dé ieuss, fsant des y pu grand qu'ceux Saint Françwé, I léyinn tchére leu bras ié n'savinn pu s'ravwé. Les feume tchéinne malate, on criou au pu fourt : Abie, d'nez du vinaigue! in tournant alintour. I s'poquinn conte les murr, i s'arrachinn les tchfeu, In tout criant: Vî juif! vî vauri! vî moudreux! C'astou pu braire à c't-heure, c'est tchahuler qu'i fsinn, lé sans ougnon les lârme à leu paupière pétinne. El mourt qu'astou au lit, pa les pid on l'satchou. Dsus l'temps qu'a coup d tchandlé dsus s'tiesse on rampotou. On l'toûne éy' on l'ratoûne, ié pa s'nez on l'impougne. Dsus s'minton i li tché tout l'pu bia des coup d'pougne. On alardgi s'bouche in li skétant twé dint. L'tiesse d'in bon Dieu d'cuife, comm' enn couque passe dedin.

Mais c'est quand les coumére ont sté rvénue à ielle. Qué l'tiesse du vî bonhomme d'a co vu des pu belle. — "Vî voleur, qu'elle criinn, vî canaïe, vî apchard. Est-ce po n'rosse dé mesquine qué vo no fsez bastard. Vî sâle bouc! Faux Pilâte! Drouvez-là vo laide trappe, lé qu' dsus vo laide gueule in clau d'tchi rade s'aclappe. Vo stez pire qué Djudas, vî polac! vî rnaqueu! Dessus l'cwè, ça ié seûr, vos ariz clawé l'bon Dieu. Vo n'mindgerez ni du suc, comme vo l'comptez, vî rosse! Mais c'esst achnée toute roudge qu'no dans rons de vo fosse. Cu qu'vos arez t-à-l'heure, vo l'arez bi gangni, El diâle vo rattind djà, presse à vos infourtchi. Les feume, on l'sait trop bi, n'sont ni faite dé couque, Éyé c'est bia coup pire quand elle sont din leu fouque. Pau cu, pa l'tiesse adon, elle impougnont no vî, Ié dsus n'minute dé temps, il est tout desbii. Desbii comm' in viér, des pid dusqu'à l'coupette, Dju dé s'tiesse, elle avinn rayi dusqu'à s'barette. Jeune l'attrappe pa les pid, enn aute pa lé stoumac, Li dsant: "Vo mé l'paierez, i n'a ni cric, ni crac!, Au mitan dé l'maiso, on l'satche comm enn vî à n'rosse, Eyè deux heure t-au long, on bucha dsus s'cabosse, Allez! Si l'vî mounonk n'avou jamais dansé On pû dire qué c'djou-là, on l'a bi fait valser. Dsus s'nanette elle avinn rlayi télmint d'toubaque, Qué les goutte dé sueur percinn leu nwère chabraque. Quand on a mis, l'ledmain, mon homme dedin l'luja, Il avou s'courps pu nwère qué l'eu d'in vi tchapia.

L'intérêt guide el monde, ié c'est co l'cas dé l'dire, Comme lé rvasi wallon : "C'est les liards qui fzont rire.

V.